

楹

聯

叢

話

楹聯叢話序

菴隣先生八閩碩儒吐納經範無書不讀有美必彰曩者
提刑山左手輯唐五代以前名論先之以聖賢遺訓之在
諸經外者爲古格言十二卷昌旣受而讀之矣閱十年而
繼李善撰文選旁證四十六卷博綜審諦於唐宋元明以
來卅七家之言以訂晉府汲古之誤而集是書之大成美
哉富矣近復讀公二集一爲退菴詩存推本倫紀鑒別金
石逢源於經籍殫精於時務詩也而政教寓焉一爲退菴
隨筆則數十年拳拳於庭訓師傳因時隨地藉束身心期

諸實用自謂無關乎著作而學殖躬行經史諸子官常家
禮文事武功蓋靡有弗備者比年爲吾粵采風陳詩徵文
考獻將有三管英靈之集而公暇搜羅孳孳未已迺復以
所輯楹帖見示訊徧八方稿凡三易每聯輒手敘其所緣
起附以品題判若列眉瞭如指掌夫道體之罔弗該也文
字之罔弗喻也語其壯則鯨海鵬霄語其細則蛟鼉蝸角
須彌自成其高也芥子不隘於納也楹帖肇自宋元於斯
爲盛片辭數語著無多而蔚然薈萃之餘足使忠孝廉
節之惻百世常新廟堂瑰璋之觀千里如見可箴可銘不

殊負笈趨庭也紀勝紀地何啻梯山航海也詠諧亦寓勸懲欣戚胥關名教草茅昧於掌故者如探石室之司矣膾炙遍於士林者可作家珍之數矣一爲創局頓成巨觀惟公以蓬山耆宿入直樞垣敷歷大邦疊膺重寄雖官書林立而几案塵清偶當詩鉢文壇輒復露垂泉湧茲則秉節全圻總宏綱而理庶政猶是思艱圖易舉重若輕雍容乎禮法之場翔泳乎文苑之圃燭武所謂智深勇沈穎濱所稱神止氣定者非歟故於前所著諸集見公之綜貫百氏取精用宏而於斯集有以見公心源治法以整以暇爲天

不取實言
授非人力所能及也道光二十年庚子春正月陳繼昌謹
序

楹聯之興肇於五代之桃符孟蜀餘慶長春十字其最古也至推而用之楹柱蓋自宋人始而見於載籍者寥寥然如蘇文忠真文忠及朱文公撰語尙有存者則大賢無不措意於此矣元明以後作者漸夥而傳者甚稀良由無蒼萃成書者任其蕪落湮沉殊可慨惜我朝

聖學相嬗念典日新凡殿廷廟宇之間各有

御聯懸挂恭值

翠華臨莅輒荷

宸題寵錫臣工屢承吉語

天章稠疊不啻雲爛星燦海內翕然向風亦莫不輯頌制詩和聲鳴盛楹聯之製殆無有美富於此時者伏思

列朝聖藻如日月之經天自有金匱石室之司非私家所宜撰輯而名公巨卿鴻儒碩士品題投贈渙衍寰區若非輯成一書恐時過境遷遂不無碎璧零璣之憾竊謂劉勰文心實文話所托始鍾嶸詩品爲詩話之先聲而宋王銍之四六話謝伋之四六談塵國朝毛奇齡之詞話徐鉉之詞苑叢談邵列區分無體不備遂爲任彥昇文章緣起之所未賅何獨於楹聯而寂寥罔述因不揣固陋初爲斯

編博訪遐搜叅以舊所聞見或有偽體必加別裁郵簡徧
於四方討源旁及雜說約畧條其義類次其後先第一曰
故事第二曰應制第三第四曰廟祀第五曰廨宇第六第
七曰勝蹟第八曰格言第九曰佳話第十曰挽詞第十一
曰集句附以集字第十二曰雜綴附以諧語分爲十門都
爲十二卷非敢謂盡之而闕涉掌故膾炙藝林之作則已
十得六七粲然可觀方之禁局似稍擴其成規比諸句圖
亦別開之生面云爾道光庚子立春日福州梁章鉅撰於
桂林撫署之懷清堂

楹聯叢話卷之一

福州梁章鉅輯

故事

嘗聞紀文達師言楹帖始於桃符蜀孟昶餘慶長春一聯最古但宋以來春帖子多用絕句其必以對語朱箋書之者則不知始於何時也按蜀禱札云蜀未歸宋之前一年歲除日昶令學士辛寅遜題桃符版於寢門以其詞非工自命筆云新年納餘慶嘉節號長春後蜀平朝廷以呂餘慶知成都而長春乃太祖誕節名也此在當時爲語識實

後來楹帖之權輿但未知其前尙有可攷否耳

吳越時龍華寺僧契盈吾閩人也一日侍忠懿王游碧波亭時潮水初滿舟楫輻輳王曰吳越去京師三千里誰知一水之利如此契盈因題亭柱云三千里外一條水十二時中兩度潮時江南未通兩浙貢賦率由海達青州故云時人稱爲聯切

浦城真西山先生嘗讀書邑之鳴山名其齋曰學易卽今南浦書院地也有春聯云坐看吳粵兩山色默契義文千古心見三才圖會余嘗主南浦講席擬爲敬錄此聯懸之

楹柱而因循未果附記於此

朱子於紹熙五年築滄洲精舍時年六十有五矣自書一聯云佩韋遵考訓晦木謹師傳謹按朱子之父韋齋先生嘗自謂卞急害道因取古人佩韋之義爲號又朱子受業於劉屏山先生先生有字朱元晦祝詞云交朋尙焉請祝以字字以元晦表名之義木晦於根春榮華敷人晦於身神明內腴此朱子聯語所由出也滄洲精舍卽竹林精舍據年譜時爲韓侂冑中傷以內批罷歸除江陵府不拜又乞追還新舊職名則已無意出山又懲於趙汝愚之貶及

羣小之攻僞學故有感而爲佩韋晦木之思焉

滄洲精舍中尙有兩聯一云道迷前聖統朋誤遠方來一云愛君希道泰憂國願年豐又朱子全集卷後所附載聯語尙多謹摘錄如左以見南宋時楹帖盛行雖大賢亦復措意於此矣贈人聯云水雲長日神仙府禾黍豐年富貴家又廣信南巖寺朱子讀書處聯云一竅有泉通地脈四時無雨滴天漿又建甯府學明倫堂聯云師師庶僚居安宅而立正位濟濟多士由義路而入禮門松溪縣學明倫堂聯云學成君子如麟鳳之爲祥而龍虎之爲變德在生

民如雨露之爲澤而雷霆之爲威又知漳州日建書舍於
天寶鎮山開元寺後頂聯云十二峰送青排闥自天寶以
飛來五百年逃墨歸儒跨開元之頂上又贈漳州一士子
云東牆倒西牆倒窺見室家之好前巷深後巷深不聞車
馬之音又一聯云鳥識元機銜得春來花上弄魚穿地脈
挹將月向水邊吞至世有刻爲木榜懸諸堂楹人所習見
者如讀聖賢書行仁義事存忠孝心立修齊志日月兩輪
天地眼詩書萬卷聖賢心此類尙多安得有心人爲之一
一搜輯乎

墨莊漫錄云東坡在黃州一日逼歲除訪王文甫見其家
方治桃符公戲書一聯於其上云門大要容千騎入堂深
不覺百男謹

困學紀聞云攻媿先生書桃符云門前莫約頻來客坐上
同觀未見書按攻媿集四明樓鑰大防撰

宋韓康公宣撫陝右太守具宴委蔡司理持正作候館一
聯云文價早歸韓吏部將壇今拜漢淮陰韓極喜之又京
口韓香除夜請客作桃符云有客如擒虎無錢請退之此
二事皆見蔣平仲山房隨筆皆切韓姓此亦後來贈聯切

姓之濫觴也

稗史載宋洪平齋

俞

新鎔後上史衛王書自宰相至州縣

無不指摭其短大畧云昔之宰相端委廟堂進退百官今之宰相招權納賄倚勢作威而已凡及一聯必如上式末俱用而已二字時相怒之十年不調洪自署桃符云未得之乎一字力只因而已十年間

濯纓亭筆記云元世祖初問趙子昂之名卽召見之子昂丰姿如玉照映左右世祖心異之以爲非人臣之相使脫冠見其頭尖銳乃曰不過一俊書生耳遂命書殿上春聯

子昂題曰九天開闔闔宮殿萬國衣冠拜冕旒又命書應
門春聯題曰曰月光天德山河壯帝居按日月十字今率
用爲新歲桃符幾徧閭巷而不知始自松雪翁且非臣工
所宜用也 又按今人家門聯率用天恩春浩蕩文治日
光華十字不知此乃雍正年間

御賜桐城張文和

題

桃符句張氏歲歲懸之後京官度

歲強半書此作大門春聯近日則外省亦比戶皆然矣

堅瓠集載趙子昂過揚州迎月樓趙家其主求作春聯于
昂題曰春風閨苑三千客明月揚州第一樓主人大喜以

紫金壺奉酬

孫季昭

弈

示兒編載黃耕叟夫人三月十四日生吳叔經

作壽聯曰天邊將滿一輪月世上還鍾百歲人或謂將滿一輪若是十三日亦使得不若云猶欠一分便見直是十四日也予謂猶欠一分非祝壽底語終未若魏仲先壽萊公詩云何時生上相明日是申元形容得七月十四日坦然明白矣周益公生於丙午七月十五日嘗壽以聯曰年與潞公同丙午日臨萊國占申元公覽而笑曰賢此聯已道盡了生年月日只欠說出一箇生時便是一本好建生

矣按此二事亦後來壽聯切目之濫觴也

元楊元誠明山居新話載元統間余爲奎章閣屬官題所

寓春帖云光依東壁圖書府心在西湖山水間時余巖山
爲江浙儒學提舉寫春帖於山居圖書東壁圖書府家
住西湖山水間偶爾相符亦可喜也

明周聯金陵遺事載太祖嘗御書春聯賜中山王徐達云

始余起於濠上先榮捧日之心建茲定鼎於江南遂作
擎天之柱按此二事爲初月信國公誥中語也又一
聯云破曉爭靈功震古今人第一出將入相才兼文武世

無雙蓋亦賜中山王作

列朝詩集載學士陶安宇主敬明太祖嘗製門帖賜之曰

國朝謀畧無雙士翰苑文章第一家

簪雲樓雜說云春聯之設自明孝陵助也時太祖都金陵於除夕忽傳旨公卿士庶家門上須加春聯一副太祖親微行出觀以爲笑樂偶見一家獨無之詢知爲醢豕苗者尙未倩人耳太祖爲大書曰雙手劈開生死路一刀割斷是非根投筆徑去嗣太祖復出不見懸挂因問故答云知是御書高懸中堂燃香祝聖爲獻歲之瑞太祖大喜賚銀

三十兩俾遷業焉

洛水元龜初獻瑞陰數九陽數九九九八十一數數通乎
道道合元始天尊一誠有感岐山丹鳳兩呈祥雄鳴六雌
鳴六六六三十六聲聲聞于天天生嘉靖皇帝萬壽無疆
此明世廟齋醮對聯乃袁文榮燁所撰見沈德符野獲編
又一本云撰靈壽之章以成文天數五地數五五五二十
五數數生於道道合元始天尊尊無二上截嶰竹之筩以
協律陽聲六陰聲六六六三十六聲聲聞于天天生嘉靖
皇帝帝統萬年詞句大同小異傳是夏貴溪言手筆

野獲編云張江陵盛時有送對聯謂之者云上相太師一
德輔三朝功高日月狀元榜眼二難登兩第學冠天人二
陵欣然懸於廳事先是華亭公罷相歸其堂聯云庭訓尙
存老去敢忘佩服國恩未報歸來猶抱慚惶雖自占地步
而詞旨謙抑勝江陵之誇詡遠矣昔年殷厯城罷相在里
江陵以宋詩爲對聯寄之云山中宰相無官府天上神仙
有子孫蓋諛與嘲各半頃者沈四明謝事居家則直用李
適之語云避賢初罷相樂聖且銜杯又今相國福清公耶
中所粘桃符則云但將藥裹供衰病未有涓埃答聖朝尤

爲渾雅

前明邛南鎮岳由亞卿左遷藩參數厚遣張江陵嘗以黃金製對聯飲之云日月並明萬國仰大明天子丘山爲岳四方頌太岳相公蓋亦欲以已名時蒙記憶也江陵喜將驟擢之未幾敗岳遂罷歸

七修類稿云吏部許尙書

讚

其父亦吏部尙書也讚先爲

戶部尙書其兄詔亦嘗爲南戶部尙書也俞子木爲作一聯云父家學子家筆秉一代之銓衡兄司徒弟司徒總兩京之會計又陳敏之木天台人也任徽州歙縣訓導書一

聯於衙曰四萬八千丈山中仙客三百六十重灘上閑官
一則不可移易一則天生切對

嘉靖末年南京城守門宦官高剛於堂中書春聯云海無
波濤海瑞之功不淺林有梁棟林潤之澤居多蓋謂剛峰
念堂二公也宦官亦重諫臣如此

堅瓠集云邱仲深學博貌古而心術不可知嘗與劉吉不
協劉作一聯書其門云貌如盧杞心尤險學比荆公性更
偏時論頗以爲然

做帝齋餘談云江陵初賜第於鄉上御筆親勒堂對云忠
盈節義活國第一

可格天正氣垂之萬世功昭捧日休光播於百年可謂異
典極褒至癸未籍沒則並第宅不保矣但對聯乃御製御
書不知當時在事者何以處之

又云嘗於都下見一罷閑中貴堂間書一對云無子無孫
盡是他人之物有花有酒聊爲卒歲之歡又全用南宋喬
行簡詞中語此輩亦知達生如此

又云向見王百穀家桃符云豈有文章驚海內漫勞車馬
駐江干晒其太誇頃過陳蒼公中庭書一聯云天爲補貧
偏與健人因見懶誤稱高蓋用陸務觀語雖謙抑實簡傲

也去年至支硎山范長白學使齋中懸聯云松風高士供
蘭夢美人圓其所書卽所作也時范未有子故有夢蘭句
然圓夢字又作原唐宋人皆已兩用之未知孰是范又有
對云門前白水流將去屋裏青山跳出來又用笑林中里
童屬對語亦奇

滇省南關外前明有趙某業屠一日欲宰母牛忽失其刀
時小犢在傍仰臥哀鳴趙鞭之起則屠刀在焉因感悟乘
屠刀攜子母二牛屏跡西山每吟減去心頭火要見呂洞
賓之句有道者過訪趙款以茶盛以古磁道者失手墜地

趙似動喚念道者忽不見古器依然遺片紙書云洞賓方纔到心頭火又生趙愧悔一日憑欄觀海遙見沐藩於昆明池習水戰若有所羨遂漚然逝後提軍陳用賓來滇偶遊西山一一如舊遊石壁記有趙浚之年月口與提軍生日適符乃知卽趙後身也自言鎮岡時有道者來見款以茶問減去心頭火否不解所謂也臨別約以鸚鵡一會至是詢知鸚鵡山遂往遊焉見一痲道人手執二瓶兩口相對立於山石間笑語曰軍門別來無恙此時向那頭跳出語未竟從者喝之頓失所在提軍始悟二瓶對口卽昌字

立於山石節巖字就立處爲橋曰迎仙橋山半有洞竇像
爲環翠宮後人題聯云春夢慣迷人九環仙骨誤著了一
品朝衣任雞鳴紫陌馬踏紅塵軍門向那頭跳出空山曾
約伴六詔杯茶猶記得七閩片語看劍影橫天笛聲吹海
先生從何處飛來

前明工部尙書張忠定公

延登

以功名顯劉理順吳麟徵

夏允彝周延儒皆其門下士也家署門聯云門多將相文
中子身係安危郭令公蓋門客所題贈

堅瓠集云萬曆辛丑九日焦弱侯先生招同人登謝公樓

一友曰嘗見欽天監柱聯云夏至酉逢三伏熱重陽戌遇
一冬晴今諺云夏至有風重陽無雨皆訛傳耳按今時占
驗語上句作夏至有雷三伏冷下句亦作重陽無雨一冬
晴往往有驗

明末李忠肅都憲

邦華

問外城陷遂棄家移宿於文信國

祠中李亦言水人旣北而再拜復就信國公位前三揖曰
邦華鄉邦後學合死國難請從先生於九泉矣遂以白繪
繫於信國之龕柱而死後其鄉人換題新額爲二忠祠又
題楹柱云後死須知無二道先生豈願有忠名幾於千金

莫能易一字矣趙甌北詩所謂故知曠世心相感恰好同
鄉跡再攀是也舊有遊華泉聯云花外子規燕市月柳邊
精衛浙江潮

相傳吾鄉曹石倉先生

學佳

辭官歸里時閒行街巷見一

陋屋柴門不正柱上署桃符云問如何過日但卽此是天
詢知宅主乃屠者徐五也徑入廳事有二聯一云仗義半
從屠狗輩負心多是讀書人一云金欲兩千酬漂母鞭須
六百撻平王先生爲之悚然徘徊間徐五已回與語甚契
洽因定交甲申之變徐五攜隻雞斗酒徑造先生廬排闥

而人見先生驚曰吾辨此奉祭耳何尙在也先生遂拜而
就義焉盧潛溪孔明云相傳徐五更有一聯云鼠因糧絕
潛蹤去犬爲家貧放膽眠殊有感慨又傳曹殉節後數日
人見溪中有浮屍著素衣冠識者以爲卽徐五也按徐五
名英字振烈侯官人余田生甸張超然遠並爲之傳里中
人但稱爲徐五云

柳南隨筆云王文恪公鑒祖塋在洞庭東山之化龍池形
爲鳳凰展翅湖中案山稍偏地師云可惜狀元旗不正他
年應作探花郎後竟如其言越二百年而公之八代孫世

琛乃於康熙壬辰科狀元及第聞琛於會試前三日所夢
於神夢至一廳事其柱聯云雨中春樹萬人雲裏帝城雙
鳳蓋藏家闕二字以示必中狀元也

山陰徐文長

渭

一字天池又字青藤所居卽名青藤書屋

青藤其手植也藤下有池橫一平橋橋承以柱上覆石臺
臺額曰天漢分源柱聯云一池金玉如如化滿眼青黃色
色真柱背又一聯云未必串關別名教須知書戶孕江山
乘橋之柱額曰砥柱中流皆文長自書是所謂天池也見
董暘所撰青藤書屋記

紹興府城外三江濱海地也居民每有其魚之歎明湯太

守紹恩創建應宿閘水患始息後人立公祠乞徐文長撰

廟聯文長疾書云鍊石補星辰兩月興工當萬厯繼禹之

緒鑿山振河海千年遺蹟在三江于湯有光兩川成語一

切其事一切藝姓越人每樂述之

常熟瞿壽明昌文舉行紀事云登伏波山謁關壯繆廟見

王父題額曰學本尊王又題一聯云浩氣塞兩閭萬古綱

常永賴威靈宜八表千秋帶礪全憑凜凜然鞠躬盡瘁之

志上通神明矣按壽明爲督師瞿起田式耜孫今此聯無

可考桂林人亦不能舉其詞矣

相傳天啓間塑關帝像二尊一大一小時有日者甚神熹
宗指二像令其推算日者稱小者福壽縣遠香火百倍於
大者熹宗遂以小像棄置正陽門左側一小廟中而供大
像於宮中以窮日者之言未幾關城入宮大像遂燬而小
者香火日盛崇禎間有卜者邢姓設肆廟前甲申三月初
旬卜者書一聯於廟門云漢封侯晉封王有明封帝聖天
子可謂厚矣內有姦外有敵中原有賊大將軍何以待之
按此語乃左忠毅是父夢入前殿見關帝坐帳申告以明

運已盡天命有歸不日

大聖人至矣卜者寤後告人曰吾設肆於此十餘年滄桑之變何忍見之明日遂縊於庭樹今廟旁有土地祠一白鬚神卽卜者云

客有誦王衍宮詞云月華如水浸宮殿有酒不醉真癡人及明福王楹帖云萬事不如杯在手一年幾見月當頭以爲荒亡之言如出一轍是也然福王楹帖是王孟津鐸所書何良俊四友齋叢說謂二語乃吳中老儒朱楚航詩孟津亦書舊句耳

吾鄉康熙間蕭蟄菴震以御史巡鹽兩淮假歸值耿精忠
之變爲耿所害籍其貲得三十萬緡首於烏石山之鄰霄
臺先是蟄菴倡議修復道山卽烏石山建鄰霄臺勒百字碑紀
之並書臺柱一聯云但願桑麻成樂土不妨詩酒上鄰霄
至是鄉人易詩酒二字爲屍首謝古梅先生詩所謂荒臺
草木千年恨樂土桑麻一夢中是也

陸稼書先生從祀文廟初議詩或以先生家中曾延僧諷
誦爲疑其後人出先生手書廳事一聯云讀儒書不奉佛
教遵母命權作道場議遂定

孫夏峰先生居新安門人爲築雙柳居於學宮之東顏乃來題聯云近聖人之居教亦多術矣守先王之道文不在茲乎

耿精忠之變李鄴園總督之芳扼守衢州厥功甚偉人爲兵部尙書三衢軍民爲立生祠聯云淮蔡之功茂矣抑又過之大難削平重奠東南半壁琴鶴之操凜然於今爲烈名賢繼起恰得五百餘年

筠廊偶筆載宜武門外教子衢衢永慶寺爲僧文然所居之廊殿前白楊古柏二僧室無他物壁有聯云石壓笋斜

出巖垂花倒開按五代道士石仲元隱於桂州之七星山
自號桂華子負詩名世傳其警句如石壁木斜出崖懸花
倒生之類甚多爲湘源守楊徽之所稱目爲玉方響事詳
粵西叢載文然但偶書其語其字句間有異同耳

柳南隨筆載錢湘靈先生

陸燦

晚年居虞山老屋三楹適

當石梅之下松陰嵐翠如蒼臨川先生兀坐其中擁書萬
卷咿哦不輟過其門者往往駐足覬伺流連不去先生咿
哦自若也室中榜一聯云名滿天下不曾出戶一步言滿
天下不曾出口一字爲三峰釋碩揆所書

楹聯叢話卷之二

福州梁章鉅輯

應制

楹聯之爲應制作者助於前明嘉靖時然如袁文榮夏貴
溪所撰齋醮對聯傳者不過一二而浮夸之辭無當大雅
良由其時載筆之臣固無巨手亦勝朝德政不足以備掄
揚故凌夷衰微迄於無聲若此我

朝累洽重熙凡恭值 大典慶成皆有 進御文字靡不

上動

天監下治興歡自康熙乾隆年間兩次編輯

萬壽盛典皆有圖繪一門楹聯附焉而殿廷諸聯尤足以鋪鴻藻申景鑠潤色洪業鼓吹承平自有楹聯以來未有如此之盛者矣謹就所見分錄如左

康熙五十二年恭值

仁廟六旬萬壽自 大內出 西直門達 西苑 路皆

有牌樓樓宇每座落必有楹聯肅括宏深間皆出當時名公碩儒之手如嚴嵩舊經棚云周雅宸歌如山如川如日月箕踞斂廟曰富曰壽曰康甯 普慶寺觀經處云文德

武功兼帝王而大備心宗性學貫理智以純全 燈棚牌
樓云輦道風清改管萬年調玉露瑤池春暖華燈五夜徹
瓊霄 龍泉寺諷經處云涉地笙鏞丹鳳和鳴古景運彌
天烟靄青鸞翔舞識祲符 廣濟寺牌坊云算承東華若
木光騰春九十祥開南極蟠桃花放歲三千 東三官廟
牌坊云保合太和道綜乾坤生兩儀並久誕膺多福功
被民熙物阜四海皆春 西三官廟牌坊云帝握貞符禹
甸盡歸滄海貢天開景運堯封常祝紫宸朝 慈獻寺前
牌坊云十雨五風處處康衢歌帝力千秋萬歲年年華渚

耀神光 闕帝廟燈棚云敷天長載仁天知後天之不老
大地同游樂地真應地以無疆 直隸全省燈棚云聖筭
無疆 蘆蘆鰲山開壽域天顏有喜溶溶魚藻漾恩波 江
南全省經棚云皇極運而歲月日時無易聖德大而祿位
名壽並隆 浙江全省燈棚云日之升月之恒萬年延寶
祚天所覆地所載億萬金甌

乾隆五十五年恭值

純廟八旬萬壽華祝萬呼之盛震今鑠古尤爲史牒所未

聞恭誌

萬壽盛典所載楹聯大都按切時事臚陳實政非若登春
臺游華胥者徒爲揣摩想像之詞蓋

九重之福壽愈隆功德愈盛而承明金馬之彥研精殫慮
贊鴻筆又足以發揮之洵頌禱之大觀而掄揚之極軌也
謹就所見分錄如左如四言云四時爲柄萬象皆春 百
順爲福六合同春 佛天佛日壽世壽民 皇建福極位
在德元 圖成耕織詩集攻同 願聖人壽延天子光
五言云堯齡增瑞甲軒紀叶長庚 九五福曰壽八千歲
爲秋 八徵陳妙範三祝晉堯封 篆凝仁壽字花發吉

祥春 祝恒河沙壽歌大海潮音 乾璣甄月軌泰筴衍
天環 六言云景命壽於旗翼淳風邇彼垓垓 五福堂
同五代八句時念八徵 七言云泰筴申符天地數坤珍
大闢嶽川祥 星雲麗近中秋節山海祥開益地圖 壽
星四照環辰北王會來同暨日南 春秋紀合八千歲甲
子周回三萬旬 皇極福錫庶民福帝如春與四時春
位祿各壽德惟券高明博厚久斯徵 八功八德無量佛
千春千秋大椿年 軒籙正當符健順義文從此衍貞元
人如夏諺歌游豫地是春臺樂作熙 春臺照育歌綏

萬化日舒長紀大千一福由天縱超千聖年越古稀又十

春能以美利利天下是用多福福人獻華童子名長

壽得道仙翁住太常謂太常仙蝶也四時來備各以敘如川方

至莫不增皇建極會極歸極帝作歌廣歌載歌山庚

慶洽三千界周甲重開二十春萬年椿壽斯爲壽五世

蘭孫又見孫萬衆人天歡贊佛十方功德統遵王化

國蜚提春大共壽人更老說從長渥恩蠲詔駢科詔新

慶交封暨緬封橋門邁漢三雍典職貢超唐十道圖

鳩杖作朋春醺飫鶯衣呈舞嘏詞新壽趾培基山萬歲

恩波醺潤水中沔 八言云東西朔南訖于四海歲時月

日惟曰萬年 山盈川冲受茲介福輟萌壤髮同我太平

一字一音求合於古萬首萬徧均和其聲

謂新製備歌樂章也

敬天勤民以篤慶祚揆文奮武載揚大聲 儒館獻歌禮

官紀典海人懋德纓序蒙祉 文武聖神在明明德位祿

名壽得全全昌 九言云花雨能仁祝壽齡億載雲枝普

茂景海甸三葉 五十有五年堂開五代八旬兼八月璽

刻八徵 七曜燦珠囊榮鏡宇出萬年絲寶籙合撰升恒

祝曼壽頌彌化漸印度讚文殊師利景麗臺懷 十言

云萬古希逢豈止三四五六一人有慶直至億兆京垓
久道久照久成久徵不息貴觀貞明貞一貞下起元無
我相無人相無邊壽相有善緣有德緣有大福緣 十一
言云五試輪經蕊榜宏開科甲乙七均正樂葩詩新訂譜
宮商 賜兩協豐占徵念九疇之八東坡增泰筴呼聞萬
壽者三 就如目瞻如雲梯航羣介壽軒乎鼓鼗乎舞衢
壤徧熙春 十二言云翠籙演天元泰策揲圖書正位珠
弧環斗柄壽星輝角亢南經 臨雍茂上儀園橋水與恩
波渥勒石期壽世獵碣文從聖藻新謂重勒石 期艾歷
盈階義舌

昌祀七旬赴宴三千叟
堪堪昭景貺五代同堂二百家
十五言云集山海梯航東鰈西鵜
萬國圖歸王會感風雲
律呂南兜北昧九重樂奏鈞天
十七言云八月際昌期
玉璫金鐘譜出一十三絃律呂
億年開景福丹絨翠籙歌
成萬八千歲春秋

聞乾隆五十五年八月

八旬萬壽經地帶有一長聯最爲壯麗膾炙人口久矣相
傳爲彭文勤師所撰而恭繙

萬壽盛典中實未之載謹記錄之惟所聞字句小有異同

無關體要也句云龍飛五十有五年慶一時五數合天五
數合地五事修五福備五世同堂五色斑斕輝彩服鶴算
八旬逢八月祝萬壽八千爲春八千爲秋八元進八愷登
八音從律八風縹緲奏丹墀

紫禁城中各

宮殿門屏欄扇皆有春聯每年於臘月下句懸挂次年正
月下句撤去或須更新但易新絹分派工楷法之翰林書
之而聯語悉仍其舊聞舊語係乾隆間

勅儒臣分手撰擬皆其時各翰林所爲典麗奇皇允堪藻

繪昇平被飾休美章鉅以珥筆樞垣出入承明者數載千
門萬戶多在睹記之中又聞從清秘堂翰林處鈔錄成帙
雖未全備已成巨觀始知王蘭泉侍郎湖海詩傳中所載
曹習菴學士仁虎數聯不過百分之一二也今謹按各門
編錄如左

太和左右門云日麗丹山雲繞旌旗輝鳳羽祥開紫禁人
從間闕觀龍光 媽觀翔雲九譯同文朝玉陛鳳樓煥彩
八方從律度瑞閣 協和門云協氣東來禹甸琛球咸輯
瑞和風南被堯階葵葵早迎春 熙和門云景緯霞敷星

罕燦三辰珠璧元和春益雲璈宣六代威英 上諭館云
一代典章垂渙汗萬年法守仰都俞 誥勅房云天寵遙
頒青鎖客國恩重溢紫泥封 緝書房云玉宇中朝資珥
筆金甌億載慶垂衣 內閣前門云聖德醍醐花深紅藥
省帝光紉綬日麗紫微天 太和殿中榻扇云龍德正中
天四海雍熙符廣運鳳城回北斗萬邦和協頌平章 體
仁閣云黃道天開東壁琬圖輝玉宇紫宸日麗西山爽氣
映瑤階 宏義閣云畫棟凝熙東望攝提輝曉日彤庭延
景北臨榮戟動朝光 中和殿中榻扇云仁壽握乾符萬

國車書會極中和縣鼎錄九天日月齊光 保和殿中楹
扇云凝鼎命而當陽聖錄同符日月握乾樞以御極泰階
共仰星雲

乾清門云帝座九重高兩服周軀環紫極皇闕千禧永堯
天舜日啓青陽 左門云紫極正中央萬國共球並集青
陽迎左个千門雨露皆新 右門云象應闕春陽瑞氣常
浮五雉義和迴日馭卿雲時捧雙龍 日精門云日麗金
門五色雲屏三島近風和玉殿九霄彩仗百花新 月華
門云瑞啓月中霞映龍塋晴色迴春來天上烟融鳳闕曙

光高 坤寧宮交泰殿東西面云萬化轉璇樞本天而本
地一元開瑞筴資始以資生 居一得元秉神符而永極
交三成泰捧寶勝於重華 左右次間欄扇云寶瑟和璫
琴百子池邊春滿金柯連玉葉萬年枝上雲多 珠綴繞
龍屏寶炬光連寶錄璇題懸鳳裏彤雲瑞應彤墀 永祥
門云蟠桃千歲果溫樹四時花 穿堂榻扇云東華燦爛
日初昇紫氣常依曉殿北闕輝煌雲正騰祥光徧護春臺
增瑞門云鳧鳥傳長發蒼龍協永綏

寧壽宮左門云九重敷斂範陳箕曼羨蕃釐共錫萬國會

歸光戴斗蕩平軌路同遵 右門云洛鑿福紀慶洪延象

叶居中建五乾筴祥符徵順牧功俾則大函三 敘禧門

云輝駢寶券晉雲闡推策純常集嘏慶衍瑤籌贏解屋闌

珍舄奔流視 左門云重霄日月燭升恒景運祥開久照

八表山川徵樂壽昌期福集新韶 右門云化成熙皞驗

風從洽姬春華夏育祥廷熾昌昭德致符呈乾絡坤維

錫慶門云億萬齡錫羨延洪保定自天孔固三千界重熙

海濬祥和與物同春 左門云三壺景象駐恒春鉅砌環

迎霰穀六幕光華徵復旦彤宸茂集繁祺 右門云珠囊

晷緯迓休徵福界垣昭太乙玉燭年華彰瑞應昌辰化溥
由庚 影壁東牆門云川嶽獻珍符炯燭隔瑞日星昭景
貺紉纓呈華 西牆門云玉琫奏誠和氣調九寓璿樞徵
廣運衡正三階

皇極殿云皇圖盛際陽春觀蒼駕日升久照帝座高臨北
極慶紫垣星拱端居 左右次間云順時宜象咸宜瑞履
青陽開左个懋德凝視孔厚祥延紫氣衛中垣 環黼展
瑞煥星雲共覩堯襟舜抱萃貞符昴流轉載長披金鏡珠
囊 東西垂花門云遵路傍東垣慶霄春益近光瞻左掖

瑞旭晨升 載斗鎮嶼 尊臨地軸 宣風啓闡 闔順協天
樞 昌澤門東西 闔扉云韶 序啓青陽 照回歲籥 祥
光騰紫氣 慶溢仙闕 福地勝三壺 延鰲錫羨 融風調六
琯 粲景宜韶 吳歲啓三元 合和籥轉 堯曦光四表 承照
華敷 長母麗前榮 蓬瀛春駐 清芬飄合殿 卿裔晴薰
後 桐扇云松 牖春回青 霽正臨銅 綬冰芝庭 日鹿祥光 長
擁玉樞 闕 左右桐扇 云璫光東 指爲春瑞 啓扶桑 齊七
政 黃道左旋 面運頌 臚戴斗拱 三階 旭臨鳩鵲 初昇華
祝 騰歡連月 霜仗轉蓬萊 徐引靈居 茂對洽春 望 東西

穿堂云福緯耀微垣瑤枝綯采春祺凝化宇玉樹承曦
協氣繞南榮蒼車獻瑞條風來左序青鎖含輝東西圍
廊云朝爽降神霄寶滋左砌青陽昇麗景芝秀東房銀
箭應琅玕蓬壺盡永銅鋪開錦繡閨苑春濃

養性殿云優游節祿咸宜寶籙日增倅岱華昌熾壽耆彌
固瑤躔春茂式璣衡 頤和軒云靜泰怡神瑞霽光輝臨
黼辰冲融契道祥風藹吉暢文軒 屏門云生意無邊奏
曲文禽諧玉琯真機可挹交枝仙夢擁金鈴 景祺閣云
寶筵叶仙椿億齡延祉泰階昭景曜九服均禧 暢音閣

楹聯叢話

卷二

十

云琅玕逸韻應詩呼久矣八風從律闐闐晴光凝嶰吹康
哉九敘惟歌 閣後桐扇云海寓安恬圓嶠方壺開福地
天間談蕩右平左 賦上熙臺 閣是樓云樽飲康衢風雨
和甘均六幕絃調寶瑟星雲景慶亘三階 東西配樓云
景麗瑤屏鸞鶴翔空騰慶霧春回瓊島魚龍獻瑞展新圖
峙職浹祥和紉綬交呈旭采智仁諧樂壽純常懋迎春
祺 飛門云地近玉階通御氣春回瓊瑄駐韶光 直房
云承恩沾沆瀣接武引星辰 尊沾書屋云千年金鑑長
留題梁寶書資政要寸管銅儀恒惜揆雙妙蘊發幾餘

保泰門云六琯宣和樂奏鈞天迴暖律三階拱極圖星益
地迓新祺 衍祺門云閭闔象昭回蘿圖衍慶蓬萊春茂
鬯寶苑延祺 井院門云斟衢醴化調天醴擊壤歡謠洽
德源 庫房門云涵三化洽歸璣鏡吹萬風和轉玉杓
古華軒云星璫叶珠杓祥開萬象雲屏通碧漢瑞啓三陽
養心殿云旭日射銅龍上陽春曉和風翔玉燕中禁花
濃 東西板門云蘭櫟香縹宜春帖桂館花浮獻壽杯
三島春深雲氣暖九霄地迴月明多 直房云金闕雲晴
九華開扇彩珠樓風細七寶拂爐烟 春駕蒼龍青陽臨

左陛雲開丹鳳紫極麗中天
養心殿欄扇云廣樂奏鈞
天萬國衣冠同瞻旭日陽春回大地四時稟籌首協溫風
雉尾雲移看玉燭光中星扶華蓋螭頭香動聽金鈴聲
褰風展春旗 毓慶宮欄扇云北斗回樞紫氣迎祥雙闕
曉東風入律彤雲獻瑞五門春 蒼震門云日麗彤墀四
表光華瞻正朔雲凝寶仗萬方歌舞慶同春 齋宮屏風
門云位育本中和日旦日明至誠不應實清孚上下亦臨
亦保敬德昭宣

文華殿正門云道契松雲心傳符赤帝祥呈河洛治統啓

青皇 武英殿正門云四庫藏書寶笈牙籤天祿上三長
選俊縹囊翠軸月華西 傳心殿云帝典王謨昭萬有乾
苞坤絡奉三無 咸安宮云行慶恩深陽春寶發育石文
典重雲漢仰昭回

鑾儀衛門云仙仗五雲鸞鳴和盛世德車七宿龍角運中
天 會典館云金鏡開臨升恒光北極珠杓映座長養順
東方 衙衣監云天上垂衣明藻火日邊珥筆頌星雲
茶膳房云得氣仙葵長應月呈祥瑞蕊並迎風 五色雲
英滋秀草千年露實熟蟠桃 湛露凝甘盈玉甕光風布

照應瑤箒 液酌衢尊同介景音調解管徧覃福 神鼎
上方調六膳宮壺春色釀三漿

阿哥所宮門云旭日麗龍樓瑞氣春融珠樹迴卿雲籠鶴
禁祥光晴護玉階平 金鏡霞明九苞開鳳籙玉衡星正
五色協麟文 元象轉星杓丹霄北拱重門映春樹紫氣
東來

坤寧宮云麟定螽說叶二南於彤管星軒月殿配一德於
丹宸 澄瑞亭云景運舒長天上慶雲環紫極太和翔洽
日邊甘露湛瑤墀 延暉閣云樹石接蓬萊三色霞雲成

曜軒窗窈象緯千秋寶鑑凝圖壽康宮云間闔風和瑞
應金萱輝寶錄蓬萊日永祥呈仙筵耀春暉大慶云厚
德著璇宮禁掖常尊堯舜修齡儲北斗春秋永貞元
橘扇云瑤殿凝庥天上雲霞依舜楚袞衣獻壽域中川嶽
捧堯尊慈寧宮云景福集璇宮億萬斯年永登仁壽慈
雲輝寶殿千八百國莫不尊親橘扇云興慶獻春光瑤
草金芝迎愛景大安調暖律朱鸞紫鳳叶仙韶左右門
云玉階曉擁珩璜天上慶雲移寶扇金闕遙趨劍佩春來
瑞氣滿瑤池麗韶景於履端璧帶風微翔彩燕耀春輝

於後且簾衣畫靜響銅龍 永康門云藻景耀中天瑞啓
萬安殿外綺雲垂北極祥呈長樂宮前 徽音門云淑景
舒華絳樹含芳承瑞蔭和風叶律紫鸞調暖奉祥嘒 佛
堂云兜羅佛手轉金繩永護地維日月優鉢曇花開寶界
增輝震旦山河 妙諦證拈花萬戶千門皆成寶地明心
同指月十洲三島並現金光 長慶門云北斗泰階平儀
鳳祥雲環錦帳西池作氣繞宸龍愛日侍斑衣 咸若館
云日耀東瀛璇室問安雲似綺星回北斗珠宮寄賞物皆
春 景仁宮云春紀八千和風翔詩宇聖曆九五霞露霽

仙宮近逆光門云瑞啓青陽軒雲承翠幄祥開黃道義日
展金輿景陽宮云頌啓椒花百子池邊日暖觴浮栢葉
萬年枝上春晴昌祺門云淑氣凝和天上香浮簇仗條
風扇瑞宮中曰永垂裳延禧宮云紫輿迎春瑞拂千條
御柳丹樓映日祥開萬樹宮花麟趾門云瑞雲曉護蒼
龍闕玉斗春回紫鳳城鍾粹宮云瑞雪舞南山寒收玉
宇條風嘯北斗春滿金甌迎瑞門云麟趾春深千歲酒
鶯聲日暖四時花千嬰門云星轉璿杓光映卿雲五色
春回玉瑄祥開彩勝千枝承乾宮云紅日初生萬戶祥

雲臨複道青陽乍轉九天佳氣敞重樓 永和宮云黃道

呈祥八表星環紫闕青陽布澤三階曰麗丹霄 德陽門

云律轉璇樞三殿星雲復旦時湖玉燭千門花柳同春

永壽宮云化日麗三陽春回萬甸條風和萬國樂奏虞絃

長春宮云九天淑景凝新旭三殿晴光接彩霞 啓祥

宮云迎春曙色金金榜迎日晴光轉玉宸 翊坤宮云化

日舒長五緯祥光連斗極惠風和暢六符瑞采煥台階

儲秀宮云龍影玉珂廊花明御路鸞聲珠履度日麗天衢

盛京各門亦有春聯 南宮門云麗正凝祥境引如嬈開

積秀熙韶舊景曜連奎璧啓常陽 東西宮門云海甸蒼
珍函沿波從朔春陽迎綺陌倬漢成文 珠筵護豐京觀
化天開登爰宮銅鋪開兌位同文月竈獻琛多 獨坐門
云繡嶺銀河環盡棟丹書玉宇貯琅函 文昌氣象聯奎
璧道派淵源溯漆沮 典超麗正崇文上規紹遷幽宅洛
初 星雲照耀輝天祿山海崇深蒼地靈 嘉蔭堂云仿
天一藏書幽館阿原揚大烈應奎三懸象沛宮父老慶同
文 文漪閣云天作沂前光玉券十華徵錫極人文觀大
備瑤籤四照見蓬原 九間殿云益地圖開嶽貢川珍臚

寶笈鹿天文煥闢京部室游仙源 後宮東西門云從朔
貽規三院圖書有典指南錫極九霄雲漢爲章 日映東
嶠被光華於藝圃源流北海挹沆瀣之文淵 南北值房
云北鎮標雲詞林宗斗極東瀛浴日學海跋壺天 羣玉
成山思文衍部室上奎炳耀繩武播闢風

彭文勤公撰擬 寧壽宮燈聯稱

青恭讀

聖製詩云東西次第南而北左右分明後與前神以通靈
氣以運六爲之儷四爲駢可謂極

天語之褒嘉而成文字之寵遇矣按此乾隆五十年事是冬公卽被

命協贊綸扉時和珅在樞地欲以青詞宰相誣公曰下輕薄子遂有燈聯相公之目不知公之學問優長一時詞臣無出其右早結

主知燈聯一事特會逢其適耳當和珅侮公時章京方藻

巖

維甸

嘗與力爭不獲公後有贈方詩云半山學行吾可

敢爲我伸眉觸要人卽指此事也謹按燈聯左右各八俱以方向字冠首而以乾隆年間實政經緯其中洵才人之

極筆足以掄揚盛美鼓吹休明同時儒臣皆爲斂手今備
錄於左 南前云南斗煥珠弧六旬御寓萬禩頤和堯封
祝曰聖人壽前星臨黼展九陛崇基三元肇祚周雅歌之
君子甯 北後云北極拱皆朝予帝有帝曾孫有孫五福
堂前歡舞綵後天錫難老長春如春元夜不夜九華燈下
壽稱觥 東左云東作穠關心雪融隴麥燭照田蠶課雨
古時尙初志左旋杓向角節宴嘉漿燦詞舞軫撫時行慶
有前規 西右云西域被流沙年班藩部歲報屯田照世
杯圓里二萬有垣通閣道出震迪光乘乾垂裕和時燭明

界三千馨東南云東國舊戎衣吹剛有籥作岐有磬小物
克勤詠糠燭南邦昔車斗恬海如鱗翁河如鏡民風可觀
戒燈船西南云西園翰墨林四庫積玉七閣抽琅太乙
藜光燈以石南宮禮樂地兩舉制科六開恩榜文昌珠彩
月同圓東北云東揖木公朝十年慶典千叟恩榮洛社
畫圖鳩杖集北迎元日詔五代齒繁百家算倍康衢燈火
篠驂游西北云西定噶喇依恭者我僕僭者我俘蠻目
更番入春宴北踰額濟勒威日歸降德日歸順鴻臣來賀
御東朝

以上左
八聯

南前云南面久仔肩求衣問夜秉燭待

章福用敷之次五極前盟果如意烏篆鐫瓊鴻文刻王古
惟稀矣四三皇北後云北戒拱論都河得真源淮得真
源九如咸頌川方至後車勸觀嶽岱猶望幸嵩猶望幸萬
壽宜歌山有臺東左云東箱啓儒席論敷輿旨雅肄古
歌詩誦壽萬千無量左海角賓筵樂補吹笙鄉觀飲酒禮
成月三五而盈西右云西敘游成功擬以特馨聲以鏘
鍾節序新詞舉火樹有文咆鳴盛風有干城雅有髦士科
名舊事壓燈毬東南云東震且最尊樓湧萬佛經譯三
乘歡喜園中法輪轉南瞻部妙勝印寫秘文塔飄吉帛光

明天上慈燈懸 西南云西社賽春燈市流帑鏹舖溢爲

今年逢年布惠南榮曝朝日戶弛鏹租消除玉粒二

十萬衆萬全蠲 東北云東陸烏司開辛析糾毀亥楷蠲

輟惕若躬親弈葉守北辰象布令秋彌上蘭冬嬉太液昭

哉心法髦期勤 西北云西來福德智高六帝帝享萬年

年典盛禮隆臚舊政北向子臣民奉至尊尊爲眾父父天

符人瑞遂初心

以上右
八聯

乾隆中每歲

巡幸熱河必於中秋後一日進哨

卽木蘭圍場也

重陽前後出哨

距路所經有所謂萬松嶺者滿山皆松爲重九日駐蹕登高之所歲以爲常庚戌歲

上進哨時駐此周覽行宮頃謂彭文勤公令將舊懸楹帖
悉易新語期以出哨登高時親閱公連日搆思偶於行
殿正中得句云八十君王處處十八公道旁介壽詞貼萬
松嶺也而難其對因以片紙馳价楊紀文達公成之文達
公笑曰茲惜又來考我乎卽令求价立待封紙付還文勤
公啓視則已就餘紙寫成對語矣句云九重天子年年重
九節塞上稱觴嘆日曉嵐真勝我一籌矣 回鑾日此聯

果大蒙

稱賞特賜文勤公以珍物八事公跪辭曰此出句是臣所撰而不能對對語實紀其所撰請移以賞紀某

上曰兩邊語皆好汝自應領賞卽另發一分

賜文達公余聞之程蘭翹師云